



2020 nallertinnagu ullukinnerup ulloq 21. decembarip pisortatigoortumik nalliussineqartalernissaanik atulersitsinissaq pillugu Inatsisartuni aalajangiiffigisassatut siunnersuut

(Inatsisartunut ilaasortaq Peter Olsen, Inuit Ataqtigiit)

(Siullermeerneqarnera)

Demokraatiniit siunnersut una eqqumiittortaqtipparput. Soorlu Naalakkersuisut eqqortumik allattut, ullukinneq pisortatigoortumik nalliuttorsiorfiuvoq erfalasulerfiusarlunilu. Tamanna tunngavigalugu siunnersuut eqqumiippoq isummerfigisassarput siunnersuuteqartup kissaataatut ereermat.

Taamatulli oqareerlunga siunnersuutip matuma sulingiffeqartarnitsinnik aqqissuussisimanitta oqallisiginissaa Demokraatiniit pisariaqalersippaa. Sulingiffeqartarnerpassuatta ilarpassui kristumiussutsimut tunngapput aamma sulingiffeqartarnerit allat nunanit allaniit kingornussariinnarpagut, soorlu tassunga assersuutissatsialaavoq sapaatip akunnerisa 42-anni ukiakkut atuangiffeqartarneq. Sooq ukiaanerani atuangiffeqartarneq piniarsinnaanerup nalaanut nuussanngilarput?

Meeraallungali eqqumiigisarpara piniarsinnaatitaanerup avataani ukiakkut atuangiffeqartaratta. Meeqqat kulturertut pinngortitarlu ilinniarluarsinnaagaluarpaat. Takorluulaariarsiuk meerarpassuarnut inuusuttorpasuarnullu qanoq iluaqutaatigissagaluartoq Ataatamiit, anaanamiit ilaatigullu aataaminnik aanaaminnillu oqaluttunneqarsinnaagaluarunik qanoq allaaniartoqartarnerseq aammalu ataatap anaanap aanaap ataallu assersuutigalugu oqaluttuarisarsinnaagaluarpa qanoq eqalunnik pujoorisooqartarnerseq allallu.

Eqqaamallugu pinngitsaalisaannginnatta allamiut inuunerattut inuussalluta. Kiffaanngissuseqarpugut eqqarsarluarluta sulingiffeqarnigut allanngortissallugit aamma nalliuttorsioartarnigut.

Siunnersuulli uterfigilaariarlara. Ullukinnermi nalliuttorsioqartigalereerparput aamma erfalasulerfigisarparput tamannalu akorngutissaqartinnigilarput. Taamaattumik siunnersuut pisariaqanngilluinnaraluarpat inassutigaarput itigartinneqassasoq.